

# UN APUESTE POLA REVOLUCIÓN DE XÉNERU

Otra vegada énte'l **8 de marzu**, Día de la Muyer, **IAS** y **mias>>** quieren afitar la so llucha por algamar una **sociedá llibre de prexucios**, una sociedá que refugue los patrones culturales patriarcales y **que promueva una igualdá real** de les muyeres. Poro, facemos un apuesta por una **fonda revolución de xéneru** basada na discriminación positiva dirixida a algamar la plena igualdá d'oportunidaes **en tolos ámbitos**, desixendo la necesidá de dir muncho más allá de les cosmétiques campañes institucionales a les que tamos avezaes. Desgraciadamente los malos tratos a la muyer siguen impidiendo qu'esti día seya una celebración, faciendo precisu un **plan de choque contra la violencia de xéneru** que desendolque midíes dures y disuasories contra los agresores y que fomente la **coeducación imprescindible** tamién fuera de la escuela. Una coeducación qu'había tar siendo yá ún de los pegollos colos que **construyir una verdadera escuela pa la ciudadanía, inclusiva y igualitaria en tolos aspectos**.



L'establecimientu d'**auditoríes sobre la discriminación de xéneru en toles estayes y organismos públicos y privaos** ye yá una **vieya reivindicación** d'esta casa. Dende Izquierda Asturiana y Mocedá d'Izquierda Asturiana vamos seguir trabayando por esparder la llucha, **por un nuevu modelu de rellación ente homes y muyeres**, afalando a les y los qu'agora tán en gobiernu pa que diseñen y apliquen **estratexes empobinaes a consiguir la igualdá salarial... y de toa índole** dafechu ente muyeres y homes y **d'una vez yá**.

**MOCEDÁ D'IZQUIERDA ASTURIANA (mias>>)**  
**IZQUIERDA ASTURIANA (IAS)**

Plaza Primo de Rivera, 1. Oficina 9. Uviéu – Asturias.  
Teléfonu y fax 985112097. Apartáu 2041 – 33001.

TAMIÉN TAMOS EN:  
[www.ias.as](http://www.ias.as)  
[www.ias.as/mias](http://www.ias.as/mias)

